

十四三
卷

御纂醫宗金鑑卷十三

訂正仲景全書傷寒論註症濕喝病篇目錄

桂枝加葛根湯

桂枝附子去桂枝加白朮湯

甘草附子湯



御製四庫全書

御纂醫宗金鑑卷十三

訂正仲景全書傷寒論註

辨痿濕陽病脈證并治篇

經云諸痿項強皆屬於濕又云諸暴強直皆屬於風論曰

太陽病發汗太多因成痿夫六氣皆足以致痿不專在濕

也六經皆有痿證亦不專在太陽一經也蓋身以後屬太

陽凡頭項強急項背八八脊強反張腰似折髀不可以曲

胸如結皆太陽痿也身以前屬陽明頭面動搖口噤齒齬

缺盆紐痛腳攣急皆陽明痿也身之側屬少陽口眼喎邪

手足牽引兩脇拘急半身不遂皆少陽痿也至若腹內拘

急因吐利後而四肢攣急者未嘗非太陰瘧也惡寒踞臥
尻以代踵脊以代頭俯而不能仰者未嘗非少陰瘧也羣
尤上升宗筋下注少腹裏急陰中拘攣膝脛拘急者未嘗
非厥陰瘧也大抵瘧以狀名而瘧因筋急故凡六經筋病
皆得以瘧稱之其因於風寒者必發熱惡寒而無汗其脈
浮緊其狀身強直而口噤卽經所云諸病強直皆屬於風
者也其勢勁急故名曰剛瘧其因於風濕者發熱汗出不
惡寒其脈浮緩其狀項強八八而身不强直卽經所云諸
瘧項強皆屬於濕者也其勢濡弱故名曰柔瘧若夫因誤
汗亡陽津竭無以養筋而致瘧者卽本論所云太陽病發

汗太多而成瘧又非因濕因風而却因燥者也蓋瘧之始
本非正病多雜於他病之中如婦人之脫血跌撲之破傷
俱能致瘧今見患此者悉指爲風殊非確論學者當於證
中審察風寒濕燥內外虛實之因分別施治庶不致悞慎
勿藥指爲風也

傷寒所致太陽病瘧濕暍此三種宜應別論以爲與傷寒相似
故此見之

按傷寒所致四字甚無所謂衍文也

註傷寒太陽經中之一病非謂太陽經惟病傷寒也蓋以六

氣外感之邪人中傷之者未有不由太陽之表而入者也

痙風邪也濕濕邪也暍暑邪也夫風寒暑濕之病固皆統屬太陽然痙濕暍三種雖與傷寒形證相似但其爲病傳變不同故曰宜應別論也

集註

方有執曰痙濕暍三者皆風寒之變證旣成變證則當別爲立論然自風寒變來本屬太陽猶有風寒涉似之疑須當併爲辨論

病身熱足寒頭項強急惡寒時頭熱面赤目赤獨頭面搖卒口噤背反張者痙病也

註

病人身熱惡寒太陽證也頭項強急面赤目赤陽明證也頭熱陽鬱於上也足寒陰凝於下也太陽之脈循背上頭

陽明之筋上挾於口風寒客於二經則有頭搖口噤反張拘強之證故名瘕病也

吐集

發於陽也足寒陰邪逆於陰也獨頭面搖風行陽而動於上也卒忽然也噤寒而口閉也言忽然唇口脗合噤急而飲食不通也背反張者太陽之脈挾背寒則筋急

熱則筋緩而縱弛也然剛柔二痿則各見證之一偏惟風寒俱有而致證者則具見也

鄭重光曰此總論瘧之經俞皆病氣血併傷而爲強急反張之證也風濕俱有故爲瘧之具證也

太陽病發熱脈沉而細者名曰瘧

註

太陽病發熱脈當浮大脈若沉細兼少陰也今發熱脈沉細而名曰瘧者何也以其已病瘧證而得沉細脈不可名太陽少陰傷寒之脈當名太陽風濕瘧病之脈也因風邪鬱於陽故病發熱也濕邪凝於陰故脈沉細也此承上條瘧病得沉細脈之義非謂太陽病發熱脈沉細卽名之曰瘧病也

集註

方有執曰發熱太陽未除也沉寒也細濕也

程知曰脈沉細法宜救裏而瘧又爲燥熱之病故金匱謂難治謂未可輕同於太陽發熱脈反沉之例也

張璐曰發熱脈當浮數而反沉細知邪風爲濕氣所著所
以身雖發熱而脈不能浮數是陽證見陰脈故金匱指爲
難治也

程應旆曰瘧病有同有獨固以其獨者名之矣然脈在太
陽更有獨而無同以頭面搖口噤背反張之證合沉細之
脈雖有太陽發熱等證不致爲傷寒所溷乃可定其名曰
瘧也

太陽病發熱無汗反惡寒者名曰剛瘧太陽病發熱汗出而不
惡寒名曰柔瘧

按反惡寒之反字衍文也剛瘧證應惡寒非反也

註

痙病既屬太陽當以太陽虛實例之故曰太陽病發熱無汗惡寒爲實邪名曰剛痙發熱汗出不惡寒爲虛邪名曰柔痙此詳申上二條痙病虛實非謂太陽病發熱無汗惡寒汗出不惡寒卽名之曰剛柔痙病之證也

集註

程知曰太陽病發熱無汗惡寒爲傷寒發熱汗出惡風爲傷風發熱汗出不惡寒爲溫熱以證有頸項強急甚則反張故不謂之風寒溫熱病而謂之痙也

張璐曰金匱云太陽病無汗而小便反少氣上衝胸口噤不能言欲作剛痙葛根湯主之卽是申明此條之義而補其治法也無汗而小便少者以太陽陽明二經之熱聚於

胸中延傷肺金清肅之氣內外不能宣通故也又云太陽
病其證備身體強八八然脈反沉遲此爲瘕枯藟桂枝湯
主之卽是申明此條之義而補其治法也其證備則發熱
汗出等證金匱已詳不必贅矣

太陽病項背強八八無汗惡風葛根湯主之

註

此畧其證脈單舉瘕之頸項強急者以明其治也太陽脈
下項循肩挾脊陽明脈循喉嚨入缺盆貫膈下乳內廉太
陽主後前合陽明陽明主前後合太陽今邪壅於二經之
中故有八八拘強之貌也太陽之強不過頸項強此瘕之
強則不能俯仰項連胸背而俱強故曰項背強八八也無

汗惡風實邪也宜葛根湯發之卽桂枝湯加麻黃葛根兩解太陽陽明之邪也

集註

方有執曰八八鳥之短羽者動則引頸八八然形容病人之頸項俱病者俛仰不能自如之貌

太陽病項背強八八反汗出惡風者桂枝加葛根湯主之

註

太陽病項背強八八無汗惡風者實邪也今反汗出惡風者虛邪也宜桂枝加葛根湯解太陽之風發陽明之汗也

集註

汪琥曰太陽病項背強矣復八八然頸不得舒頸之經屬

陽明項背與頸八八然其狀當無汗今反汗出惡風仲景法太陽病汗出惡風者桂枝湯主之今因其八八然故加

葛根於桂枝湯中以兼祛陽明經之風也

桂枝加葛根湯方

於桂枝湯內加葛根三兩餘依桂枝湯法

太陽病發汗太多因致瘧

註

已上論瘧皆外感風寒濕而為病也若太陽病發汗太多津液太亡表氣不固邪風乘虛而入因成瘧者乃內虛之所致也不可以柔瘧剛瘧例之宜以桂枝加附子湯以固表祛風為主治由此推之凡病出汗過多新產亡血過多而變生此證者皆類此也

集註

程應旂曰即此一端推之則知此病得之亡津亡血而因

虛致寒因虛致燥者不少蓋陽氣者柔則養筋發汗太多則亡其陽而損其經脈之血液故也

濕家之爲病一身盡疼發熱身色如似熏黃

註濕家謂病濕之人濕之爲病或因外受濕氣則一身盡痛或因內生濕病則發熱身黃若內外同病則一身盡痛發熱身色如熏黃也熏黃者濕盛之發黃屬脾之痰濕故其色暗如煙熏也不似傷寒熱盛之發黃屬陽明之鬱熱故其色明如橘子色也

集註

張璐曰濕證發黃須分陰陽表裏陽濕在裏茵陳蒿湯在

表麻黃連軹赤小豆湯陰濕在裏白朮附子湯在表麻黃

白朮湯此陰濕在表而發黃也金匱有云濕家身煩痛可
與麻黃加朮湯蓋寒與濕合不宜大汗故加白朮以麻黃
得朮則汗不致於驟發白朮得麻黃則濕滯得以宣通也
濕家病身上疼痛發熱面黃而喘頭痛鼻塞而煩其皃大自能
飲食腹中和無病病在頭中寒濕故鼻塞內藥鼻中則愈

註

此申上條詳其證出其皃以別其治也濕家病身上疼痛
發熱面黃而喘此內生外受之濕病也外宜羌活勝濕湯
內宜茵陳五苓散喘甚大陷胸丸若更頭痛鼻塞而煩其
皃大證類傷寒但其人裏和能食知非傷寒不可發汗乃
濕邪之病在頭故頭痛鼻塞惟宜納藥鼻中取黃水從涕

出自可愈也所納之藥卽瓜蒂散類也

集註

鄭重光曰身上疼痛發熱面黃而喘頭痛鼻塞則寒濕之

邪客於上焦經曰因於濕首如裹是也用瓜蒂散吹鼻此在上者因而越之之法也

太陽病關節疼痛而煩脈沉而細者此名濕痺濕痺之候其人小便不利大便反快但當利其小便

註

濕家脈浮細濕在外也當汗之今太陽病關節疼痛而煩

小便不利大便反快脈不浮細而沉細是濕邪內盛而爲濕痺不通之候也故但當利其小便使濕從小便而去乃濕淫於內之正治也